

Na osnovu članova 20. i 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst, 2/17) i člana 25. stav 7., člana 34. stav 1. i člana 39. stav 2. Zakona o prostornom uređenju Kantona Sarajevo ("Službene novine Kantona Sarajevo", broj 24/17), Općinsko vijeće Novi Grad Sarajevo, na 14. sjednici održanoj 27.02.2018. godine, donijelo je

### ODLUKU

#### O PRISTUPANJU IZRADI IZMJENA I DOPUNA REGULACIONOG PLANA "BRIJEŠĆE"

- Usaglašavanje planiranog saobraćajnog rješenja  
sa RP "Sokolje"  
(Skraćeni postupak)

#### Vrsta Plana

Član 1.

Pristupa se izradi Izmjena i dopuna Regulacionog plana "Briješće" ("Službene novine Kantona Sarajevo", br. 32/13) - usaglašavanje planiranog saobraćajnog rješenja sa RP "Sokolje", po skraćenom postupku, u daljem tekstu: Plan.

#### Granice područja za koje se Plan radi

Član 2.

Površina obuhvata prema grafičkom prilogu "Izvod iz Regulacionog plana Briješće" - koji je sastavni dio Odluke.

#### Vremenski period za koji se Plan donosi

Član 3.

Plan se donosi za period do donošenja novog planskog dokumenta.

#### Smjernice za izradu Plana

Član 4.

Važećim Regulacionim planom "Briješće" ("Službene novine Kantona Sarajevo", br. 32/13) planirana je saobraćajnica duž sjeverne granice, ali izvan obuhvata Plana. U kontaktnoj zoni kroz RP "Sokolje" ("Službene novine Kantona Sarajevo", br. 18/17) ista saobraćajnica nije planirana te je inicijativa Općine da se saobraćajno rješenje RP "Briješće" uskladi sa urbanističkim rješenjem RP "Sokolje".

#### Rokovi za pripremu i izradu Plana

Član 5.

- Odluka o pristupanju izradi Plana: februar 2018.
- Ugovaranje: mart 2018.
- Prijedlog Plana: do kraja aprila 2018.
- Javna tribina: do 10 maja 2018.
- Usvajanje Plana: maj 2018.

#### Način osiguranja sredstava za izradu Plana

Član 6.

Izmjena Plana se radi bez naknade troškova.

#### Nosilac pripreme Plana i Nosilac izrade Plana

Član 7.

Nosilac pripreme Plana je Načelnik Općine Novi Grad Sarajevo.

Nosilac izrade Plana je Zavod za planiranje razvoja Kantona Sarajevo.

#### Donošenje Plana

Član 8.

Nosilac izrade Plana će izraditi Prijedlog Plana i dostaviti ga Nosiocu pripreme Plana, Nosilac pripreme Plana utvrdit će Prijedlog plana i podnijeti ga Općinskom vijeću na donošenje.

#### Ostale odredbe

Član 9.

Subjekti planiranja su: Ministarstvo prostornog uređenja, građenja i zaštite okoliša Kantona Sarajevo, Grad Sarajevo, Općina Novi Grad Sarajevo, Zavod za izgradnju Kantona Sarajevo, Zavod za planiranje razvoja Kantona Sarajevo, komunalna i javna komunalna preduzeća, vlasnici i korisnici zamljišta.

Član 10.

Sastavni dio ove Odluke je grafički prilog sa ucrtanom granicom područja planiranja.

Član 11.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-5122/18  
27. februara 2018. godine  
Sarajevo

Predsjedavajući  
Općinskog vijeća  
Dr. Rusmir Baljić, s. r.